

Papsturkunden in Frankreich. Band 5: Touraine, Anjou, Maine und Bretagne., Nr. 103

Adrianus episcopus seruus seruorum Dei. Dilectis filiis Phi. abbati et fratribus monasterii sancti Florentii salutem et apostolicam benedictionem. Quotiens a filiis nostris aliquid petitur, quod sit consentaneum rationi, ad exhibendum, quod petitur, difficiles non debemus ullatenus inueniri. Petiuistis a nobis, dilecti in domino filii, ut in Andegau(ensi) parrochia in loco, in quo ligneum oratorium habetis et terras ac uineas, lapideam uobis ecclesiam construendi licentiam largiremur, in qua monachis ibidem habitantibus et seruientibus eorum tantum diuina officia ministrentur. Super quo facto uos assensum etiam uenerabilis fratris nostri Ma(thei) Andegauen(sis) episcopi audiuius impetrasse. Quocirca uenerabilis fratris nostri S. Redonensis episcopi precibus inclinati presentium significatione sancimus, ut, si res ita se habet, prout est superius demonstratum, lapideam uobis ecclesiam liceat in loco supradicto construere et ad conuocandum fratres duo tantum tintinnabula habere. Dat. Lat. kal marcii.